

山谷全集

内集

三

内閣文庫			
番號	漢	17781	
冊數	36 ( 3 )		
函號	藥	119	1



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



Kodak, 2007 TM: Kodak



琢章黃先生文集第八

黃庭堅曾直

古詩五十首

武昌松風閣

次韻文潛

宿黃州觀音院鍾樓上

謝何十三送蠟

崇寧二年正月己丑夢東坡先生於寒溪西山之間

次韻吳可權題餘干縣白雲亭

鄂州節推陳崇緒崇陽道中六詩取韻奉和

頭陀寺

道中聞松聲

中秋山行懷子興節判

再登蓮落嶺懷君澤知錄

崇陽道中

晚歲咸寧行松徑至蘆子

庭堅以去歲九月至鄂登南樓成長句

養鬪雞

顏徒貧樂二首

以酒渴愛江清作五小詩寄廖明略學士兼簡

初父主簿

四休居士詩三首

過洞庭青草湖

晚泊長沙示秦處度范元實用寄明略和父韻

五首

次韻元實病目

勝業寺悅亭一作福嚴

離福嚴

花光仲仁出秦蘇詩卷追少游韻

書磨崖碑後

溪圖

平寺慈氏閣

溪山巖二首

明遠庵

去年三月清明蔣彥回喜太守監郡過其玉芝

園作詩十六韻二侯皆有報章今年三月余

到玉芝園記錄一時次其舊韻

三月辛丑有白雲出洞中散漫洞口咫尺欲不

見介石請作五字記之

代書寄翠巖新禪師

戲荅歐陽誠發奉議謝余送茶歌

到桂州

以椰子茶甌寄上德孺二首

和范信中寓居崇寧遇雨二首

乞鍾乳於曾公衮

武昌松風閣

依山築閣見平川，夜闌箕斗挿屋椽。我來名之意適然，老  
松魁梧數百年。斧斤所赦今參天，風鳴媧皇五十絃。洗耳  
不須菩薩泉，嘉二三子甚好賢。力貧買酒醉此筵，夜雨鳴  
廊到曉懸。相看不歸臥，僧羶泉枯石燥復潺湲。山川光輝  
爲我妍，野僧早飢不能饘。曉見寒谿有炊煙，東坡道人已  
沉泉。張侯何時到眼前，釣臺驚濤可晝眠。怡亭看篆蛟龍  
纏，安得此身脫拘攣。舟載諸友長周旋。

次韻文潛

武昌赤壁弔周郎，寒溪西山尋漫浪。忽聞天上故人来，呼  
船凌江不待餉。我瞻高明少吐氣，君亦歡喜失微恙。年來

鬼祟覆三豪，詞林橫槊頰。搖蕩天生大材竟何用，只與千  
古拜閣像。張侯文章殊不病，歷險心膽元自壯。汀洲鴻鴈  
未安集，風雪牖戶當塞向。有人出手辦茲事，政可隱几窮  
諸妄。經行東坡眠食地，拂拭寶墨生楚愴。水清石見君所  
知，此是吾家秘密藏。閣像一作遺像

宿黃州觀音院鍾樓上

鍾鳴山川曉，露下星斗濕。老夫梳白頭，潘何墳篋集。

謝何十三送蠓顛

形模雖入婦女笑，風味可解壯士頰。寒蒲束縛十六輩，已  
覺酒興生江山。

崇寧二年正月己丑夢東坡先生於寒溪西山之

間予誦寄元明觴字韻詩數篇東坡笑曰公詩更

進於曩時因和予一篇語意清竒予擊節賞歎東坡亦自喜於九曲嶺道中連誦數過遂得之

天教兄弟各異方不使新年對舉觴作雲作雨手翻覆得馬失馬心清涼何處胡椒八百斛誰家金釵十二竹一立一壑可曳尾三沐三鬻取刳腸

次韻吳可權題餘干縣白雲亭

曩誰築孤亭勝日有感遇永懷劉隨州因榜白雲句遺老不能談歲月忽成屢綠陰斤斧盡華屋風雨仆吳侯七閩英宰縣有真趣絃歌解民愠根節去吏蠹材收佛宮餘工有子來助厦成燕雀賀水滿鳧鴈翥四海名士來一笑佳客聚雲興碧山留雲隨清江去斯須成蒼狗皆道不如故至人觀物唯自安丘處奇語吳令古且遣糟沐注新陳

月雲與一作雲  
雲隨一作雲散

鄂州節推陳榮緒惠示泐撤崇陽道中六詩

懶不能追韻輒自取韻奉和

頭陀寺

頭陀全盛時宮殿拂空級城中望金碧雲外僧職職人亡經禪盡屋破龍象泣唯有簡栖碑文章歸然立

道中聞松聲

蟠空作風雨發地鳴鼓吹日晴四無人聲在高林際伊優兒女語寒淺市并議我欲抱七絃寫此以卒歲

中秋山行懷子與節判

俗物常填塞令人眼生白永懷洛陽人談詩論畫壁青山吐秋月阻作南樓客但歌靡盬詩賞此無瑕壁

眼生白一作眼生角

再登蓮落嶺懷君澤知錄

邑下美不和幕中往調護紛爭非士則各使捐細故頗憶  
郝參軍能令公喜怒應知鞅掌車歷盡崔嵬路

崇陽道中

張公少為令愍俗有遺書左販洞庭橘右擔彭蠡魚歌奔  
中夜女歸抱十年雛借一近歲多儒學仁風似有初

晚發咸寧行松徑至蘆子

咸寧走蘆子終日喬木陰太丘心灑落古松韻清深聊持  
不俗耳靜聽無絃琴非今胡部律而獨可人心

庭堅以去歲九月至鄂登南樓歎其制作之美成

長句久欲寄遠因循至今書呈公悅擇

江東湖北行畫圖鄂州南樓天下無高明廣深勢抱合表

裏江山來畫閣雪筵披襟夏簟寒宵吞雲夢何足言庾公

風流冷似鐵誰其繼之方公悅閣一作

養鬪雞

崢嶸已介季氏甲更以黃金飾兩戈雖有英心其闕死其  
如紀消木雞何

顏徒貧樂二首

衡門低首過環堵容膝坐四旁無給侍百衲自纏裹論事  
直如絃觀書曲肱臥飢來或乞食有道無不可

小山作友朋義重子與桑香草當姬妾不須珠翠粧烏  
窺凍硯星月入幽房兒報無炊米浩歌繞屋梁

以酒渴愛江清作五小詩寄廖明略學士兼簡初

和父主簿正一 虞世

將發沔鄂間盡醉竹林酒二三名友輩未肯弃老朽借問  
坐客誰盧溪紫髯叟此翁今惜醉舊不論升斗  
平生思故人江漢不鮮渴誰言故逐地燒燭飲至豉憂予  
先狗馬勸以愛膚髮有罪當竄流但懼不得活  
廖侯勸我酒此亦雅所愛中年剛制之常懼作灾恠連臺  
盤拗倒故人不思貸誰能知許事痛飲且一快  
竹林文章伯國士無與雙比來少制作非以弱故降景陽  
機中錦猶衣被立江時時能度曲秀句入新腔  
斯人絕少可白眼視公鄉每與俗物逢三沐取潔清我亦  
漫浪者君何許同盟試問盧溪叟猶得多可名

四休居士詩 并序

太醫孫君昉字景初為士大夫發藥多不受謝白號四

休居士山谷問其說四休笑曰麤茶淡飯飽即休補石  
遮寒暖即休三平二滿過即休不貪不妬老即休山谷  
曰此安樂法也夫少欲者不伐之家也知足者極樂之  
國也四休家有三畝園花木鬱鬱客來者煮茗傳酒談上  
都貴游人間可喜事或茗寒酒冷賓主皆忘一本有其居與  
予相望暇則步草徑相尋故作小詩遺家僮歌之以侑酒茗其詩曰  
富貴何時潤髑髏守錢奴與抱官囚太醫診得人間病安  
樂延年萬事休  
無求不著看人面有酒可以留入嬉欲知四休安樂法聽  
取山谷老人詩  
一病能惱安樂性四病長作一生愁借問四休何所好不  
令一點上眉頭

過洞庭青草湖

乙丑越洞庭丙寅渡青草似為神所憐雪上日杲杲我雖  
貧至骨猶勝杜陵老憶昔上岳陽一飯從人討行笑勿違  
留蕉林追獨獠

晚泊長沙示秦處度范元實用寄明略和父韻五

首温

昔在秦少游許我同門友拙獄無張雷劍氣在牛斗今來  
見令子文似前哲有何用相澆潑清江綠如酒  
范公太史僚山立乃先達發揮百代史管以六經轄投身  
轉嶺海就水乃京洛仲子見長沙且用慰飢渴  
秦即水江漢范即噐鼎鼎逝者不可尋猶喜二子在相逢  
唾珠玉貧病問薪菜豫愁帆風船目極別所愛

往時高交友宰木已披椳今我二三子事業在溪窻秦范

波瀾濶笑陸海潘江願茲秉經術出仕榮家邦

少游五十策其言明且清筆墨深關鍵開闔見日星陳友

評斯文如鍾磬鼓笙誰能續鳳鳴洗耳聽兩甥秦范相謂為甥

次韻元實病目

道人嘗恨未灰心儒士苦愛讀書眼要湏玄覽照鏡空莫  
作白魚鑽蠹簡閱人朦朧似有味看字昏澁尤宜懶范侯  
年少百夫雄言行一一無可束看君眸子當瞭然乃稱曾  
次常坦坦如何有物食明月浹隄隕珠衣袖滿金篦刮膜  
會有時湯熨取快術誠短君不見岳頭懶噴一生禪鼻涕  
垂頤渠不管

勝業寺悅亭

一作福嚴



苦雨已解嚴諸峯來獻狀不見白頭禪空倚紫藤杖

離福巖

山下三日晴山上三日雨不見祝融峯還泝瀟湘去

花光仲仁出秦蘇詩卷思兩國士不可復見開卷

絕嘆因花光為我作梅數枝及畫煙外遠山追少

游韻記卷末

夢蝶真人貌黃稿籬落逢花須醉倒雅聞花光能畫梅更

乞一枝洗煩惱扶持愛梅說道理自許牛頭參已早長眠

橘洲風雨寒今日梅開向誰好何況東坡成古丘不復龍

蛇看揮掃我向湖南更嶺南繫船來近花光老歎息斯人

不可見喜我未學霜前草寫盡南枝與北枝更作千言倚

晴吳

書磨崖碑後

春風吹船著磨活溪扶藜上讀中興碑平生半世看墨本

摩莎石刻鬢成絲明皇不作包桑計顛倒四海由祿兒九

廟不守乘輿西萬官已作烏擇栖撫軍監國太子事何乃

趣取大物為事有至難天幸爾上皇踏躋還京師內閣張

后色可否外間李父願指揮南內淒涼幾苟活高將軍去

事尤危臣結春陵二三策臣甫杜鵑再拜詩安知忠臣痛

至骨世上但賞瓊瑤詞同來野僧六七輩亦有文士相追

隨斷崖蒼蘚對遠久凍雨為洗前朝悲

活溪圖

成子寫活溪下筆便造極空濛得真趣膚寸已千尺只今

中宮寺在昔漫即宅更作老夫船檣竿插蒼石

太平寺慈民閣晚與曾公

青玻璃盆插千峯湘江水清無古今何處拭目窮表裏太  
平飛閣暫登臨朝陽不聞阜蓋下愚溪但有古木陰誰與  
洗滌懷古恨坐有佳客非孤斟

題淡山巖二首

去城二十五里近天與隔盡俗子塵春蛙秋蠅不到耳夏  
涼冬暖揔宜人巖中清磬僧定起洞口綠樹仙家春惜哉  
次山世未顯不得雄文鏡翠眠  
淡山淡姓人安在徵君避秦亦不歸石門竹徑幾時有瓊  
臺瑤室至今疑回中明潔坐十客亦可呼樂醉舞衣閬州  
城南果何似永州淡巖天下稀

明遠庵

遠公引得陶潛住美酒沽來飲無數我欲醉眠鄉且去只  
有空瓶同此趣誰知明遠似遠公亦欲我行庵上路多方  
挈取甕頭春大白梨花十分注與君深入逍遙游了無一  
物當清素道鄉歸去來明遠主人今進步道鄉涪

去年三月清明蔣彥回不守監郎過其玉芝園  
作詩十六韻二侯皆有報章今年三月余到玉芝  
園記錄一時次其舊韻

春生瀟湘水風鳴澗谷泉過雨花漠漠弄晴絮翩翩名園  
上朱閣觀後復觀前借問昔居人岑絕無炊煙人生須富  
貴河水清且漣百年共如此安用涕瀉浚蔣侯真好事杖  
屨喜接連車載溪中骨堆排若差肩厭看孔壬面醜石反  
成妍感君勸我醉吾亦無間然亂我朱碧眼空花墜便翹

行動須人扶那能金石堅愛君雷式琴湯湯發朱絃但恨  
賞音人太半隨逝川平生有詩罪如瘡不可痊今當痛自  
改三釁復三湔

三月辛丑同徐靖國到愚溪過羅氏脩竹園入朝  
陽洞蔣彥回陶介石僧崇廣及余子相步及余於  
朝陽巖裴回水濱久之有白雲出洞中散漫洞口  
咫尺欲不相見介石請作五字記之裴一作非

意行到愚溪竹輿鳴擔肩冉溪昔居人埋沒不知年偶託  
文字工遂以愚溪傳柳侯不可見古木蔭濺濺羅氏家瀟  
東瀟西讀書園笋茁不避道擅樂榘春煙下入朝陽巖次  
山有銘鐫薛石破篆文不辨瞿李袁嵌竇響笙磬洞中出  
寒泉同遊四五客拂石弄潺湲俄頃生白雲似欲駕我仙

吾將從此逝挽牽遂回船

代書寄翠巖新禪師

山谷青石牛自負萬鈞重八風吹得行處處是日用又將  
十六口去作宜州夢苦憶新老人是我法梁棟信手斫方  
圓規矩一一中遙思靈源叟分坐法席共聊持楚狂句往  
作天女供領上早梅春參軍慙獨弄

戲答歐陽誠發奉議謝余送茶歌

歐陽子出陽山山竒水怪有異氣生此突兀熊豹類飲如  
江入洞庭野詩成十手不供寫老來抱璞向涪翁東坡元  
是知音者蒼龍壁官焙香涪翁授贈非世味自許詩情合  
得嘗却思翰林來餽光祿酒兩家水鑿共寒光予乃安敢  
比東坡有如玉槃金叵羅直相千萬不啻過愛公好詩又

能多老夫何有更橫戈柰此于思百戰何

到桂州

桂嶺環城如鴈蕩平地蒼生忽增峨李成不在郭熙死柰此百嶂千峯何

以椰子茶餅寄德孺二首

碩果賈林梢可以代懸匏携持二十年莫若當酒肴我今禦魘魅學打衲僧包聊持堅重器遺我金石交  
炎丘椰木實入用隨茗椀譬如栝石落但貴從來遠往時  
萬里物今在籬落間知公一拂拭想我瘴霧顏

和范信中寓居崇寧遇雨二首

范侯來尋八桂路走避俗人如脫兔衣囊夜雨寄禪家行  
潦升皆漂兩屐遣悶悶不離眼前避愁愁已知入處慶公

憂民苗未立是公憂小水推去兩禪有意屏壽誠歲晚筆

空當百堵它時無屋可藏身且作五里公超霧

當年游俠成都路黃犬蒼鷹伐狐兔二十始肯為儒生行  
尋丈人奉中履千江渺然萬山阻抱衣一囊遍處處或持  
劍掛宰上回亦有酒罷壺中去昨來禪榻寄曲肱上雨傍  
風破環堵何時鯤化北溟波好在豹隱南山霧

乞鍾乳於曾公衮

寄語曾公子金丹幾時熟願持鍾乳粉實此聲懸腹遙憐  
解眼湯已化鴛管玉刀圭勿妄傳此物非碌碌

律詩九十二首

黃庭堅曾直

東觀讀未見音

歲寒知松柏

波褐懷珠玉

款塞來享

送舅氏野夫之宣城二首

王聖美三子補中廣文生

謝玉炳之惠石香鼎 次韻柳通叟寄王文通

次韻王定國揚州見寄 寄黃幾復

次韻幾復和荅所寄

次韻崔伯易席上所賦因以贈行二首

同子瞻韻和趙伯充團練

送顧子敦赴河東三首

寄上叔父夷仲三首 詠雪奉呈廣平公

次韻宋楙宗傲居甘泉坊雪後書懷

次韻宋楙宗三月十四日到西池

次韻張昌言給事喜雨

和荅錢穆父詠猩猩毛筆

次韻奉酬劉景文河上見寄

見諸人唱和醑醑詩輒次韻戲詠

次韻秦少章晁適道贈荅詩

陳留市隱并序 嘲小德

清人怨戲效徐庾慢體三首

秋思寄子由

子瞻去歲春夏侍立延英子由秋冬間相繼入

侍作詩各述所懷予亦次韻四首

再次韻四首

次韻游景叔聞洮河捷報寄諸將四首

謝鄭閔中惠高麗畫扇二首

戲贈米元章二首

次韻徐文將至國門見寄二首

趙子充示竹夫人詩予為名曰青奴并以小詩

取之二首情奴一

往歲過廣陵值早春嘗作詩戲以前韻寄王定

國二首

謝公擇舅分賜茶三首

呈外舅孫莘老二首

以天壇靈壽杖送莘老

從張仲謀乞蠟梅

乞姚花二首

寄杜家父二首

王才元舍人許牡丹求詩

謝王舍人剪送狀元紅

寺齋睡起

次韻王稚川客舍二首

同元明過洪福寺戲題

戲荅晁適道乞消梅二首

題淨因壁二首

以梅餽晁深道戲贈二首

憶邢惇夫

戲荅張秘監饋羊

戲詠猩猩毛筆

客有和予前篇為猩猩解嘲者復戲作詠

六月十七日晝寢

北窓

題伯時天育驃騎圖二首

子瞻寺壁作小山枯木

題惠崇畫扇

題郭熙山水扇

題劉將軍鷹

東觀讀未見書

已下與前題四首

漢規群王府東觀近宸居詔許無雙士來觀未見書皇文  
開萬卷家學陋三餘竹帛森延閣星辰繞直廬諸生起孤  
賤天子自吹噓願以多聞力論思補帝裾

歲寒知松節

群陰彫品物松柏尚桓桓老去惟心在相依到歲寒霜嚴  
御史府雨立大夫官穢象滿中斷徽絃爨下殘光陰一鳥  
過斬一作剪伐萬牛難春日輝桃李荅顏亦預觀

被褐懷珠玉

國士懷珠玉通津不易扛  
積藏心有待褐短義難降  
寶唾歸青簡晴虹貫夜窓  
直言方按劍豈是故迷邦  
彈雀輕千仞連城買一雙  
安知藍縷底明月弄寒江

款塞來享

前朝夏州守來款塞門西  
聖主敷文德降書付狄鞮  
擅裘瞻日月勢面帶金犀  
駸陸閑干羽邊亭息鼓聲  
永輸量谷馬不作觸藩羝  
聲勢常相倚今聞定五溪

送舅氏野夫之宣城二首

李莘

籍甚宣城郡風流數貢毛  
霜林收鴨脚春網薦琴高  
共理須良守今年輟省曹  
平生割鷄手聊試發硎刀  
試說宣城郡停盃且細聽  
晚樓明宛水春騎簇昭亭  
把經

王聖美三子補中廣文生子韶

王家人物從來遠今見諸孫  
揔好賢三級定知魚尾進  
一鳴已作鴈行連愧無藻鑑  
能推轂願卷囊書當贈錢  
歸去雄誇向兒姪舍中犢子  
騰狂顛

謝王炳之惠石香鼎

薰鑪宜小寢鼎製瓊瑤晴嵐  
香潤雲生礎煙明虹貫巖法  
從空處起人向鼻頭參一炷  
聽秋雨何時許對談

次韻柳通叟寄王文通

故人昔有凌雲賦何意陸沉  
黃綬間頭白眼花行作吏兒  
婚女嫁望還山心猶未死  
杯中物春不能朱鏡裏顏寄語  
諸公肯滿被割雞令得近鄉  
關



次韻王定國揚州見寄

清洛思君晝夜流，北歸何日片帆收。  
未生白髮猶堪酒，垂二青雲却佐州。  
飛雪堆盤鱸魚腹，明珠論斗煮雞頭。  
平生行樂自不惡，豈有竹西歌吹愁。

寄黃幾復 乙丑年德平鎮作

我居北海君南海，寄鴈傳書謝不能。  
桃李春風一杯酒，江湖夜雨十年燈。  
持家但有四立壁，治病不蕪三折肱。  
想得讀書頭已白，隔溪猿哭瘴溪藤。

次韻幾復和答所寄

海南海北夢不到，會合乃非人力能。  
地褊未堪長袖舞，夜寒空對短檠燈。  
相看鬢髮時窺鏡，曾共詩書更曲肱。  
作箇生涯終未是，故山松長到凌藤。

次韻崔伯易席上所賦因以贈行二首

迎新與送故渠已，不勝勤民賣腰間。  
劔公寬柱後文諸郎，投賜沐高會惜臨分去國。  
雖千里分憂即近君，老惜交情別追隨。  
車馬勤臨朝思共理，治郡復斯文訟息常。  
一作當休吏民貧更勸分，西湖十頃月自比漢封君。

同子瞻韻和趙伯充團練

金玉堂中寂寞人，仙班時得共朝真。  
兩宮無事安磐石，萬國歸心有老臣。  
家釀可供開口笑，侍兒工作捧心顰。  
醉鄉乃是安身處，付與升平作幸民。

送顧子敦赴河南三首

頭白書林二十年，印章今領晉山川。  
紫參可掘宜包貢，青鐵無多莫鑄錢。  
勸課農桑誠有道，折衝樽俎不臨邊。  
要知

使者功多少看取春郊處處田  
家在江東不繫懷愛民憂國有從來月斜汾沁催驛馬雪  
暗岢嵐傳酒杯塞上金湯唯粟粒胃中水鏡是人才遙知  
更解青牛句一寸功名心已灰  
攬轡都城風露秋行臺無妾護衣篝虎頭墨妙能頻寄馬  
乳葡萄不待求上黨地寒應強飲兩河民病要分憂猶聞  
昔在軍興日一馬人間費十牛

寄上叔父夷仲三首

少年有功翰墨林中歲作吏幾陸沉庖丁解牛妙世故監  
市履豨知民心萬里書來兒女瘦十月山行冰雪深夢魂  
和月統秦隴漢節落毛何處尋  
艱難聞道有歸音部曲霜行璧月沉王春正月調玉局

星芒里朝天心如令山海藏國用乃見縣官恤民深經心

隴蜀封疆守必有人材備訪尋

關寒塞雪欲嗣音燕鴈拂天河鯉沉百書不如一見面幾  
日歸來兩慰心弓刀陌上望行色兒女燈前語夜深更懷  
父子東歸得手種江頭柳十尋

詠雪奉呈廣平公宋盈祖

連空春雪明如洗忽憶江清水見沙夜聽踈踈還密密曉  
看整整復斜斜風回共作婆娑舞天乃初能開頃刻花  
政使盡情寒至骨不妨桃李用年華

次韻宋楙宗僦居甘泉坊雪後書懷

漢家太史宋公孫漫逐班行謁帝閣燕領封侯空有相蛾  
眉傾國自難昏家移四壁書侵坐馬瘦三山葉擁門安得

風帆隨雪水江南石上對窪尊馬瘦作馬聳

次韻宋楸宗三月十四日到西池都人盛觀翰林

公出遊

金絨繫馬曉鶯邊不比春江上水船人語車聲喧法曲花  
光樓影倒晴天人間化鶴三十歲海上看羊十九年還作  
遨頭驚俗眼風流文物屬蘇仙

次韻張昌言給事喜雨

三兩全清六合塵詩翁喜雨句凌雲垤漂戰蟻餘追北柱  
擊手垂龍有裂文減去鮮肥憂玉食徧宗河嶽起鑪薰聖功  
惠我豐年食未有涓埃可報君

和荅錢穆父詠猩猩毛筆

愛酒醉魂在能言機事踈平生幾量後身後五車書物色

看王會勳芳在石渠抄毛能端為謝楊朱

次韻奉酬劉景文河上見寄

省中岑寂坐雲窻忽有歸鴻拂建章珍重多情惟石友  
磨佳句問潛郎遙憐部曲風沙裏不發平生翰墨場想見  
哦詩煮春茗向人懷抱去關防

見諸人唱和餘醪詩輒次韻戲詠

梅殘紅藥遲此物共春歸名字因壺酒風流付枕帟墜  
香徑草飄雪淨垣衣玉氣晴虹發沉材鋸屑霏直知多不  
厭何忍摘令稀常恨金沙學顰時正可揮

次韻秦少章晁適道贈荅詩

二子論文地陰風雪塞廬寧穿東郭履不奉子公書士回  
難推挽時聞有詔除負暄真得計獻御恐成踈

陳留市隱并序

陳留市中有刁鐻工與小女居得錢父子飲于市醉則負其子行歌不通名姓江端禮傳其事以為隱者吾友陳無已為賦詩庭堅亦擬作

市井懷珠玉往來終作期未逢乘肩嬌小女邂逅此生同養性霜刀在閑人清鏡空時時能舉酒彈鐻送飛鴻

嘲小德

中年舉兒子漫種老生涯學語轉昏鳥塗窈行莫鴉欲嗔王母惜稍慧女兒誇解著潛夫論不妨無外家一作學語

忽 小兒伴 賦詩待 梁能

清人怨戲效徐庾慢體三首

秋水無言度荷花稱意紅主人敬愛客催喚出房籠一斛

明珠曲何時落塞鴻試煩春笋手聊為剝蓮蓬一作撥

障羞羅袂薄承汗領巾紅晚風斜蠶髮逸艷照窓籠胡琴

抱明月寶瑟陣歸鴻倚壁生珠網年光如轉蓬

翡翠釵梁碧石榴帶摺紅隙光斜斗帳香字冷薰籠聞道

西飛燕將隨北固鴻鴛鴦會獨宿風雨打船蓬

秋思寄子由

黃落山川知晚秋小蟲催女獻功裘老松閱世臥雲壑挽著滄江無萬牛

子瞻去歲春夏侍立延英子由秋冬間相繼入侍

作詩各述所懷予亦次韻四首

赤壁歸來入紫清堂堂心在鬢彫零江沙蹋破青鞵底却

結絲約侍禁庭

宵蟠萬卷夜光寒筆倒三江硯滴乾大似不蒙稽古力只  
今猶著侍臣冠

對掌絲綸罷記言職親黃屋傍堯軒鴈行飛上猶回首不  
受青雲富貴吞

樂天名位聊相似却是初無富貴心只欠小蠻樊素在我  
知造物愛公深

再一作初次韻四首

隆儒殿閣對橫經咫尺清都雨露零見說文星環北極人  
間無路仰天庭

風搖倒影日光寒堯口當中露正乾殿上給扶鳴漢履蟠  
頭簪筆見秦冠

萬國歸心天不言諸儒爭席異臨軒聖功與學昭歌頌便

覺曹劉不足吞

延和西路古槐陰不隔朝宗夙夜心公有曾中五色線平  
生補袞用功深

次韻游景初聞洮河捷報寄諸將四首

千仞歛中石轉雷漢家萬騎擣虛面定知獻馬胡雛入看  
即稱觴都護來

中原日月九夷知不用禽胡釁鼓旗更向天階舞干羽降  
書刺破一年邊聞洮西捷報

漢得洮州箭有神斬關禽敵不遠巡將軍快上屯田計要  
納降胡十萬人

遙知一炬絕河津生縛青冢不動塵付與山川印如斗忍  
為鼠子腹心人聞洮東捷報

謝鄭閔中惠高麗畫扇二首

會稽內史三韓翁分送黃門畫省中海外人煙來眼界全  
勝博物注魚蟲

蘋汀游女能騎馬傳道蛾眉儘如寶扇真成集陳隼史臣  
今得殺青書

盛贈米元章二首

萬里風帆水著天麝煤鼠尾過年年滄江靜夜虹貫月定  
是米家書畫船

我有元禪古印章印刻不忍與諸郎虎兕筆力能扛鼎教  
字元暉繼阿章

次韻徐文將至國門見寄二首

槐催舉子著花黃米食邱邱道上梁便欲掃牀懸塵尾正

愁喘月似燈光

千頭剗蚌明珠熟百尺垂絲鱸縷長柳下石門君有此可  
能衝雪殿清涼

趙子充示竹夫人詩蓋涼寢竹器懃臂伏膝似非

夫人之職予為名曰青一作奴并以小詩取之二首

青奴元不解梳粧合在禪齋夢蝶材公自有人同枕簟肌

膚冰雪助清涼

穠李四絃風拂席韶華三弄月侵牀我無紅袖堪娛夜政

要青奴一味涼

往歲過廣陵值早春嘗作詩云春風十里珠簾卷

髻髻三生杜牧之紅藥梢頭初顰栗揚州風物鬢

成絲今春有自淮南來者道揚州事戲以前韻寄

王定國二首

淮南二十四橋月馬上時時夢見之想得揚州醉年少正  
圍紅袖寫烏絲  
日邊置論誠深矣聖處時中乃得之莫作秋蟲促機杼貧  
家能有幾絢絲

謝公擇舅分賜茶三首

外家新賜蒼龍壁北焙風煙天上來明日蓬山破寒月先  
甘和夢聽春雷  
文書滿案惟生睡夢裏鳴鳩喚雨來乞與降魔大圓鏡真  
成破柱作驚雷

細題葉字色青箬割取立即春信來捧洗一春湯餅睡亦  
知清夜有蚊雷白子進

呈外舅孫莘老二首

九陌黃塵烏帽底五湖春水白鷗前扁舟不為鱸魚去收  
取聲名四十年

璧社湖中有明月淮南草木借光輝故應剖蚌登王室不  
若含沙弄夕霏

以天壇靈壽杖送莘老

玉屋千霜老紫藤扶公休沐對親朋異時駟馬安車去挂  
到天壇願力能

從張仲謀乞蠟梅

聞君寺後野梅發香蜜染成官樣黃不擬折來遮老眼欲  
知春色到池塘

乞姚花二首

正是風光嬾困時  
姚黃開晚落  
應遲歌雕好句乞春色日  
曆如山不到詩

青春日月鳥飛過  
汗簡文書山疊重  
乞取好花天上看宮  
衣黃帶御鑪風作風一

寄杜家父二首

紅紫爭春觸處開  
九衢終日攢車雷  
閑情欲被春將去  
鳥喚花驚只麼回

風塵點汗青春面  
自汲寒泉洗醉紅  
征歌題詩嫌浪許  
杜郎覓句有新功

王才元舍人許牡丹求詩

聞道潛溪千葉紫  
主人不剪要題詩  
欲搜佳句恐春老  
試遣七言賒一枝

謝王舍人剪送狀元紅

清香拂袖剪來紅  
似繞名園曉露叢  
欲作短章憑阿素  
緩歌誇與落花風

寺齋睡起

桃李無言一再風  
黃鸝唯見綠忽忽  
人言九事八為律  
儻有江船吾欲東

次韻王稚川客舍二首舊詩

五湖歸夢常苦短  
一寸客愁無柰多  
慈母每占烏鵲喜  
閨人應賦窈窕歌  
百里奚仕秦其妻歌曰百里奚五羊皮憶別時烹伏雌炊芡麥今日富貴忘我為

身如病鶴翅翎短  
心似亂絲頭緒多  
此曲朱門歌不得  
湖

同元明過洪福寺戲題



洪福僧園拂紺紗舊題塵壁似昏鴉春殘已是風和雨更  
着游人撼落花

戲荅晁適道乞消梅二首

青莎徑裏香未乾黃鳥陰中實已團  
丞豆作烏鹽作白屬  
聞丹杏薦牙盤

北客未嘗眉自顰南人誇說齒生津  
磨錢和密許能誰去  
帶供鹽亦可人

題淨因壁二首

瞑倚團蒲挂鉢囊半窓踈箔度微涼  
蕉心不展待時雨  
葉為誰傾夕陽

挂鉢囊一作畫夢長

門外黃塵不見山此中草水亦常閑  
履聲如度薄冰過催  
兩華鯨吼夜闌

以梅餽晁深道戲贈二首

帶葉連枝摘未殘依稀茶鳴竹籬間  
相如病渴應須此莫  
與文君蹙遠山

渴夢吞江起解顏詩成有味齒牙間  
前身鄴下劉公幹今  
日江南庾子山

憶邢惇夫

詩到隨州更老成江山為助筆縱橫  
眼看白壁埋黃壤何  
况人間父子情

戲荅張祕監饋羊

細肋柔毛飽臥沙煩公遣騎送寒家  
忍令無罪充庖宰留  
與兒童駕小車

戲詠猩猩毛筆

枕柳葉暗賓郎紅朋友相呼墮酒中政以多知巧言語失  
身來作管城公

客有和予前篇為猩猩解嘲者復戲作詠

明窻脫帽見蒙茸醉着青鞋在眼中束縛歸來儻無辱逢  
時猶作黑頭公

六月十七日晝寢

紅塵席帽烏鞞裏想見滄洲白鳥雙馬齧枯筭誼午枕夢  
成風雨浪翻江

北窻

生物趨功日夜流園林才夏麥先秋綠陰黃鳥北窻簾  
與來禽安石榴

題伯時大青驃騎一圖一首

玉花照夜今無程德上追風亦不傳想見真龍如此筆

蔡汝晚草述川

明窻槃礴萬物表寫出人間真乘黃邂逅今身猶姓李可  
非前世江都王

子瞻寺壁作小山枯木

海內文章非畫師能回筆法作枯枝豫章從小有梁棟也  
似鄭公雙鬢絲

題惠崇畫扇

惠崇筆下開江面萬里晴波向落暉梅影橫斜人不見鴛  
鴦相對浴紅衣

題郭熙山水扇

郭熙雖老眼猶明便面江山取意成一段風煙且千里解

如明月逐人行

題劉將軍鴈

將軍一矢萬人看  
雪灑晴空碎羽翰  
乞與失群沙宿鴈  
筆間千頃暮江寒

豫章黃先生文集卷第

豫章黃先生文集第十

律詩七十八首

黃庭堅魯直

和荅元明黔南贈別

贈黔南賈使君

萬州太守高仲本宿約遊岑公洞而夜雨連明

戲作二首

萬州下巖奉其命二篇其一用楊子安韻其一

用王定國韻

又戲題下岩

外姪李光祖直小詩次韻書其後

戲題巫山縣用杜子美韻

戲荅劉文學

命知

馬上口號呈建始李令

命知

次韻荅清江主簿趙彥成

命知

將次施州先寄張十九使君三首命知

和仲謀送別二首命知 題蘇若蘭回文錦詩圖

宋楙宗寄夔州五十詩三首命知

次韻楙宗送別二首命知

次韻黃斌老晚游池亭二首

次韻楊君全送酒長句

次韻君全送春花 謝楊景仁承事送惠酒器

戲荅史應之三首 謝應之

應之送春花 荅李任道謝分豆粥

次韻文少激判官祈雨有感抗

次韻少激甘露降太守居桃葉上

次韻奉荅少激紀贈二首

走筆謝王朴居士拄杖

戲荅王居士送文石 次韻馬荊州

次韻荅馬中玉三首 次韻中玉早梅二首

次韻中玉水仙花二首

吳君送水仙花并二大本

劉邦直送早梅水仙花

贈李輔聖 和高仲本喜相見

戲呈聞善二兄 次韻聞善

戲荅王觀復醑醪菊二首

戲荅荊州王充道烹茶四首

次韻荅高子勉十首

入窮巷謁李材叟翹叟戲贈兼簡田子平三首

呈楊康國

又戲呈康國

和中玉使君晚秋開天寧節道場

謝益修四弟送石屏

和荅元明黔南贈別

萬里相看忘逆旅三聲清淚落離觴朝雲往日攀天夢夜  
雨何時對榻涼急雪春令相並影驚風鴻鴈不成行歸舟  
天際常回首從此頻書慰斷腸

贈黔南賈使君

綠髮將軍領百蠻橫戈得句一開顏少年圯下傳書客老  
去崆峒問道山春入鶯花空自笑秋成梨棗烏誰攀何時  
定作風光主待得征西鼓吹還

萬州太守高仲本宿約遊岑公洞而夜雨連明戲

作二首

肩輿欲到岑公洞正怯衝泥傍險行定是岑公闕清境春

江一夜雨連明

蓬窻高枕雨如繩恰似糟牀壓酒聲今日岑公不能飲吾  
濟聞健且頻傾

萬州之下巖唐末有劉道者定州無極人聞道於  
雲居膺禪師為開巖第一祖法號道微自鑿石龕  
曰死便藏龕中不用日時門人奉其命二百年來  
遊者題詩不可勝讀莫能起此開巖者故予作二  
篇表見之其一用楊子安韻其一用王定國韻楊

子安韻一篇在  
占詩第五卷

寺古松楠老嵒虛塔廟開僧綠蠶麥去官數荔文來石室

無心骨金鋪稱意苔若為劉道者拽得鼻頭迴

又戲題下巖

往往携家來託宿裙襦參錯佛衣巾未嫌滿院油頭臭蹋破苔錢最惱人

外姪李光祖往見尚垂髫今觀寄嗣直小詩已可

愛因次韻 知命

昔別長安未裹頭如今詩句可消愁外家未覺風流遠佗

日相期到益州 李公擇終於益州帥

戲題巫山縣用杜子美韻

巴俗深留客吳儂但憶歸直知難共語不是故相遠東縣

聞銅臭江陵換袂衣丁寧巫峽雨慎莫暗朝暉

戲答劉文學 知命

人鮪鑿中危萬死鬼門關斗更千岑問君底事向前去要試平生鐵石心

馬上口號呈建始李令 知命

驛亭新似眼般明箐路開如掌樣平誰與長官歌美政風搖松竹是懽聲

次韻答清江主簿趙彥成 知命

日轉溪山幾百遭厭聞虎嘯與猿號笙歌忽把二天酒風雨猶驚三峽濤已作齊民尋要術安能痛飲讀離騷看君自是青田質清吟當聞徹九臯

將次施州先寄張十九使君 知命

書來日日覺情親今信施州是故人許我投名重入社放狂作惱未應嗔

收拾從來古錦囊今知老將敵難當囊中尚有毛錐子花  
底尊前作戰場

一別施州向十霜傳聞佳句望風降空卷不易當堅敵振  
臂猶思起病瘡

和仲謀送別二首知命

夜即自古流遷客聖世初投第一人不見施州肯回首五  
溪三峽更誰親

五溪三峽漫經春百病千愁逢故人何處看君歲寒後欲  
將兒女更論親

題蘇若蘭回文錦詩圖

千詩織就回文錦如此陽臺莫雨何亦有共靈蘇蕙手只  
無悔過蘇若蘭

宋楸宗寄夔州五十詩三首知命

五十清詩是碎金試交擲地有餘音方今臺閣稱多士且  
傍江山好處吟

五十清詩一段冰持來恰得慰愁生自張壁間行坐看更  
交兒誦醉時聽

碑同峴首千年石詩到夔州十絕歌侂日巴人懷叔子時  
時解著手摩挲

次韻楸宗送別二首知命

一百八盤天上路去年明日送流人小詩話別堪垂淚却  
道情親不得親

別駕柴門閉一春艱難顛沛不忘君何時幽谷回天日教  
保餘生出瘴雲

次韻黃斌老晚游池亭二首

路入東園無俗駕，忽逢佳士喜同遊。  
綠荷菡萏稍覺晚，黃菊拒霜殊未秋。  
客位正須懸榻下，主人自愛小塘幽。  
老夫多病蠻江上，頗憶平生馬少游。  
客位一作客位至  
岑寂東園可散愁，膠膠擾擾夢神遊。  
萬竿苦竹旌旗卷，一部鳴蛙鼓吹休。  
雨後月前天欲冷，身閑心逸地常幽。  
杜門謝客恐生謗，且作人間鵬鷲游。

次韻楊君全送酒長句

扶衰却老世無方，唯有君家酒未嘗。  
秋入園林花老眼，茗搜文字響枯腸。  
醅頭夜雨排簷滴，盃面春風繞鼻香。  
不待澄清遣分送，定知佳客對空觴。

次韻君全送春花

化工能幹大鈞迴，不得東君花不開。  
誰道纖纖絲窈窕，刀剪綵喚春來。

謝景仁承事送惠酒器

揚君喜我梨花盞，却念初無注酒魁。  
燿矮金壺肯持送，接菝殘菊更傳杯。

戲荅史應之三首

先生早擅屠龍學，袖有新硯不試刀。  
歲晚亦無雞可割，苞蛙煎鱔薦松醪。

老菜有婦懷高義，不厭夫家首著盤。  
收得千金不龜藥，短裙漂統草江寒。

甌有輕塵釜有魚，漢庭日日召嚴徐。  
不嫌藜藿來同飯，更展芭蕉看學書。



謝應之

昨夜風雷震海隅，天心急擬活焦枯。去年席上蛟龍語，未委先生記得無。

史彥送春花

千林搖落照秋空，忽散穠花在眼中。蝶繞蜂隨俱入座，吾家女手化春風。

答李任道謝分豆粥

豆粥能驅晚瘴寒，與公同味更同餐。安知天上養賢鼎，且作山中煮菜菔。

次韻文少微推官祈雨有感

窮儒憂樂與民同，何況朱輪我勸農。終日齏鹽供一飯，幾時膏血冒千峯。未須丘垤占鳴鶴，只要雷霆起臥龍。從此

涉沈痼枯槁愛民天子似仁宗

次韻少微甘露降太守居桃李上

金莖甘露薦齋房，潤及邊城草木香。實葉間天與味成，蹊枝上月翻光。群心愛戴葵傾日，萬事驅除葉墮霜。玉燭時和君會否，舊臣重壘起南荒。

次韻奉答少微紀贈二首

詩來清吹拂衣巾，句法詞鋒覺有神。今日相看青眼舊，它年肯作白頭新。文如霧豹容窺管，氣似靈犀可辟塵。慙愧相期在臺省，無心枯木豈能春。  
文章藻鑿隨時去，人物權衡逐勢低。揚子墨池春草遍，武侯祠廟曉鶯啼。書惟寂寞知音少，幕府留連要路迷。願我何人敢推轂，看君桃李合成蹊。

走筆謝王朴居士拄杖

投我木瓜霜雪枝六年流落放歸時千巖萬壑須重到脚底危時幸見持

戲荅王居士送文石

南極一星天九秋自埋光景落江流是公至樂山中物乞與衰翁似暗投

次韻馬荊州

六年絕域夢刀頭判得南還萬事休誰謂石渠劉校尉來依絳帳馬荊州霜髭雪鬢共看鏡菜糝菊英同送秋乞江梅臘前破還從天際望歸舟

次韻荅馬中玉三首

雨入紗窓風披船菊花過後早梅前錦江春色薰人醉也

到臺中小隱天

卷沙成浪北風顛銜尾千艘不敢前匝岸水居皆有酒行人得意買江天

仁氣已蒸全楚盡同雲欲合莫江前爭春梅柳無三月對雪樽罌屬二天

次韻中玉早梅二首

梅蕊爭先公不嗔知公家有似梅人何時各得自由去相逐一作揚州作好春

折得寒香不露機小窓斜日兩三枝羅幃翠幕深調一作護已波遊蜂聖得知

次韻中玉水仙花二首

借水開花自一奇水沉為骨玉為肌暗香已壓醪醑只

比寒梅無好枝

淤泥解作白蓮藕，糞壤能開黃玉花。可惜國香天不管，隨

緣流落小民家。

時聞民間一事實如此

吳君送水仙花并二大本

折送南園粟玉花，并移香本到寒家。何時持上玉宸殿，乞與宮梅定等差。

劉邦直送早梅水仙花三首

簸船績纜北風嗔，霜落千林憔悴人。欲問江南近消息，喜君貽我一枝春。

探請東皇第一機，水邊風日笑橫枝。鴛鴦浮弄嬋娟影，白鷺窺魚疑不知。

尋水能仙天與奇，寒香寂寞動冰肌。仙風道骨今惟有，凌

掃蛾眉簪一枝

贈李輔聖

交蓋相逢水急流，八年今復會荊州。已回青眼追鴻翼，肯使黃塵沒馬頭。舊管新收幾粧鏡，流行坎止一虛舟。相看

絕嘆女博士筆研管絃成古丘。

女博士謂輔聖後房孔居也於文藝無所不能能皆妙絕

和高仲本土喜相見

兩昏南浦曾相對，雪滿荊州喜再逢。有子才如不羈馬，知公心是後彫松。閑尋書冊應多味，老傍人門似更慵。何日晴軒觀筆硯，一尊相屬要從容。

戲呈聞善二兄

匏懸籬落鷓窺井，草上皆除雪衮風。想得尊前歌醉帽，渾家兒女笑山公。

次韻聞善

扶醉三竿日題詩一研埃張羅門帶雪投轄井生苔待得  
成丘壠誰能把酒盃常應黃菊畔帳望白衣來

戲荅王觀復餘醪

誰將陶令黃金菊幻作醪醪白玉花小草真成有風味東  
園添我老生涯

呂園未肯輕沽我且寄田家砌下栽它日秋花媚重九清  
香知自故人来

戲荅荆門二九道烹茶四首

三徑雖鋤客自稀醉鄉安穩更何之老翁勸把春風挽靈  
府清寒要作詩

茗椀難加酒椀醇暫時扶起藉糟人何須忍垢不濯足苦

樂梁州陰子春

香從靈壑上發味自白石源中生為公喚覺荆州夢可  
待南柯一夢成

龍焙東風魚眼湯箇中即是白雲鄉更煎雙井蒼鷹瓜始  
耐落花春日長

次韻荅高子勉十首

雪盡露簷滴春從細草迴德人泉下夢俗物眼中埃以立  
我有待長吟君不來重玄鎮關鑰要待玉匙開

掃雪我三日御風君過旬言詩今有數下筆不無神行布  
佳期近飛揚子建親可憐金石友去不待斯人

峴南羈旅井霸上獵歸亭日繞分魚市風回落鴈汀筆由  
詩客把笛為故人聽但恐蘇耽鶴歸時或姓下

君不居即省還應上諫坡才高殊未識歲晚喜無它  
慳馬羸難出鄰雞凍不歌寒爐餘幾火灰裏撥陰何  
荆渚樓中賦南陽龍底吟誰年小隱處頻屈故人臨  
經筵難窺底詞源幸汲深思君眠竹屋雪月水寒衾  
驚人得佳句或以傲王公處世要清節滑稽安足雄  
深沉似康樂簡遠到安豐一點無俗氣相期林下同  
志士難推轂將如高子何心期誠不淺餘論或相多  
欲向滄洲去還能小艇磨鷓鴣西照處相並曬漁蓑  
鑿開混沌窺窺見伏羲心有物先天地含生盡陸沉  
伐山成大厦鼓素鑄祥金三尺無絃木期君發至音  
少年基一簣長歲足三餘忍作飛黃去頌超同隊魚  
尊前八采句窓下十年書定作牛腰束傳抄聽小胥

沙上步微暖思君刺欲招萋蒿穿雪動楊柳索春  
饒桂蕉時逢出新詩若見擦樽前蕙湖樹米飲莫辭  
遙

入窮巷謁李村史翹史戲贈蕙簡田子平三首

紫冠黃鈿網絲窠蝶繞蜂圍柰晚何二史家居如避世  
開門自必俗人過紫冠雞冠黃鈿黃前

只可關中安止止誰能鐵裏關錚錚田多穀少無人會  
匹似無田過一生

田即杞菊荒三徑文字時追二史游萬卷藏書多未見  
老夫端擬乞荆州

王楊康國

君家秋實羅浮種已作累累半拂牆莫道兒童酸打盡  
要看霜後十分黃

又戲呈康國

整冠行客莫先嘗  
揚子家無數  
仍將假借肅霜令  
弄色勾添寒日與爭黃

和中玉使君晚秋開天寧節酒場

江南江北盡雲沙  
車騎東來風旆斜  
倒影樓臺開紫府  
得霜籬落賸黃葩  
釣溪蕪野收多士  
航海梯山共一家  
想見星壇祝堯壽  
步壺聲裏靜無譁

謝益修四弟送石屏

石似滄江落日明  
鷓鴣烏鵲滿沙汀  
小兒骨相能文字  
乞與斑斑作硯屏

章黃先生文集第十

